

ԽՐԲԱԳՐՈՒԹՅԱՆ ԿՈՂՄԻՑ

Հասարակական գիտությունների բաժանմունքի նախաձեռնությամբ 1954 թ. գեկտեմբերին տեղի ունեցավ դիսկուսիա՝ «Հայաստանի սոցիալ տրնտեսական զարգացման մակարդակը X—XIII դարերում և Վերածնության հարցը» թեմայով: Երկու հակադիր տեսակետներ ներկայացնող զեկուցումներով հանդես եկան փիլիսոփայական գիտությունների դոկտոր Վ. Զալոյանը, որ պնդում էր, թե Հայաստանը ունեցել է իր Վերածնությունը և պատմական գիտությունների դոկտոր-պրոֆեսոր Բ. Առաքելյանը, պատմական գիտությունների թեկնածու Լ. Խաչիկյանը, որոնք պնդում էին, թե Հայաստանը Վերածնության ժամանակաշրջան (Ռենեսանս) չի ապրել:

Դիսկուսիային իրենց ելույթներով մասնակցեցին մի շարք պատմաբաններ, գրականագետներ, արվեստագետներ և այլ մասնագետներ:

Դիսկուսիայի վերաբերյալ համառոտ ինֆորմացիա ղետեղվեց «Տեղեկագրի» 1955 թ. 1-ին համարում: Այնուհետև «Տեղեկագրի» 1955 թ. 12-րդ համարում և 1956 թ. 4-րդ համարում տպագրվեց Վ. Զալոյանի ղեկուցումը, իսկ 1956 թ. 5-րդ համարում Բ. Առաքելյանի ղեկուցումը: 1956 թ. 6-րդ համարում տպագրվեց նաև փիլիսոփայական գիտ. դոկտոր Հենրի Գաբրիելյանի և 1958 թ. N 3 Լ. Խաչիկյանի, N 5 Հովհ. Թումանյանի հոդվածները: Այս պրոբլեմի շուրջը ս/թ ապրիլ ամսին դիսկուսիա կազմակերպվեց նաև ՀՍՄԽ ԳԱ Տնտեսագիտական ինստիտուտի կողմից, որին մասնակցեցին մեր տնտեսագետները, պատմաբանները և գրականագետները: «Տեղեկագրի» ներկա համարում ղետեղելով պրոֆ. Վ. Զալոյանի պատասխան հոդվածը, խմբագրությունը կամենում է ամփոփել դիսկուսիայի արդյունքները, հաշվի առնելով լայն գիտական հասարակայնության կարծիքը:

Հարկ է կանգ առնել առավել կարևոր հարցերի վրա:

Առաջին հարցը, որը բնականաբար, ղբաղեցրեց դիսկուսիայի մասնակիցներին, վերաբերում է Վերածնության էությանը:

Պրոֆ. Բ. Առաքելյանը, Լ. Խաչիկյանը և Հ. Գաբրիելյանը համերաշխում են մեր գիտության մեջ ընդունված այն տեսակետի հետ, համաձայն որի՝ Վերածնությունը Արևմտյան և կենտրոնական Եվրոպայի մի շարք երկրների հոգևոր և նյութական կուլտուրայի, հասարակական մտքի ղարգացման մի պատմական ժամանակաշրջան է, որը պայմանավորված է կապիտալիստական հարաբերությունների սաղմնավորմամբ՝ այդ երկրներում: Դա մի ժամանակաշրջան էր, երբ սոցիալ-տնտեսական նախադրյալներ են գոյանում նոր հասարակության առաջացման. հնի քայքայման համար և սկսվում է վճռական ճակատամարտը ֆեոդալիզմի դեմ, երբ սկսվում է բուրժուական աղգությունների կազմավորումը: Այդ ժամանակ դեռևս ղելույցիոն դեր խաղացող բուրժուազիան ղլխավորում է պայքարը ընդդեմ ֆեոդալիզմի, որին հաջորդող հասարակությունը այլ բան լինել չէր կարող, քան կապիտալիստական: Այս ամենի պատճառով էլ առաջանալով դեռևս ֆեոդալական հասարակության մեջ, Վերածնության կուլտուրան ու ղաղափարախոսությունը իրենց էությանը կրում էին վաղ բուրժուական բնույթ և հակադրված էին ֆեոդալական հասարակությանը, նրա կուլտուրային ու ղաղափարախոսությանը:

Հիշյալ հեղինակները կանգնած են այն տեսակետի վրա, որ Վերածնունդը բնորոշ է Կենտրոնական և Արևմտյան Եվրոպայի մի շարք երկրներին, իսկ Հայաստանում X—XIII դդ. Վերածնունդն առաջացնող պայմաններ չեն եղել: Նրանք գտնում են, որ X—XIII դարերում Հայաստանը ապրում էր ոչ թե ֆեոդալիզմի քայքայման, այլ վերելքի և զարգացման ժամանակաշրջան: Հասարակական միտքը և կուլտուրան էլ բնորոշ էին զարգացած ֆեոդալիզմին և ոչ Վերածնունդյանը: Ապրելով բուռն զարգացում, այդ կուլտուրան հասավ մի այնպիսի բարձրության և երևան բերեց այնպիսի գծեր, որոնք բնորոշ են Վերածնունդյանը նախորդող ժամանակաշրջանին, սակայն նրա հետագա զարգացումը խափանվեց:

Պաշտպանելով հակառակ տեսակետ, Վ. Չալոյանը գտնում է, որ Վերածնունդը պրոգրեսիվ կուլտուրայի ծաղկումն է, իսկ Վերածնունդյան կուլտուրան իր աշխարհայացքային հիմքում առաջավոր խավերի պայքարն է ֆեոդալիզմի տիրապետության դեմ, կապիտալի նախասկզբնական կուտակման ժամանակաշրջանում, երբ տեղի էին ունենում ֆեոդալիզմի հիմքերը ցնցող առաջին ճակատամարտերը: Սակայն այդ պայքարը մղում էին հասարակության առաջավոր խավերը, առաջին հերթին աշխատավոր ժողովուրդը, ուստի Վերածնունդյան կուլտուրան սոսկ վաղ բուրժուական բնույթ չի ունեցել, այլ նրա մեջ եղել են երեք հոսանքներ: Հասարակության աշխատավոր խավերի, բուրգերության և առևտրա-վաճառական բուրժուազիայի և արիստոկրատիայի հոսանքները: Այս երեք հոսանքներից առաջնությունը, ըստ Վ. Չալոյանի, պատկանում էր ժողովրդականին: «Վերածնունդյան կուլտուրայի գլխավոր օղակը, ասում է նա,— պատկանում է աշխատավոր ժողովրդին»:

Վ. Չալոյանը գտնում է, որ Հայաստանում X—XIII դարերում զարգացել են այնպիսի սոցիալ-տնտեսական պայմաններ, որոնց հիման վրա ձևավորվել է վաղ Վերածնունդյան կուլտուրան, որը բարձր զարգացման չհասավ օտար նվաճողների տիրապետության պատճառով: Այդ շրջանի կուլտուրայի մեջ Վ. Չալոյանը տեսնում է միայն երկու հոսանք՝ «աշխատավոր ժողովրդի կուլտուրան» և հայ ֆեոդալական հասարակության բարձրագույն դպրոցի ու կրթված միջավայրի կուլտուրան: Վերածնունդյանը, ըստ Չալոյանի, իր մեջ ոչինչ բուրժուական չի պարունակում:

Վ. Չալոյանը, Վերածնունդյանը բնութագրելով իբրև ընդհանրապես հասարակության առաջադիմական խավերի՝ քաղաքի և գյուղի աշխատավորության, բուրգերության, առևտրա-վաճառական խավի և ֆեոդալական բարձրագույն դպրոցի ու կրթյալ շրջանների (իսկ Հայաստանում միայն առաջին և երկրորդ խավերի) պայքարն դեմ ֆեոդալիզմի, նկատի չի առնում բուրժուազիայի դերը: Դեռևս ֆեոդալական հասարակության ընդերքում ծնունդ առնող կապիտալիստական հարաբերությունների և նոր հասարակության առաջ ճանապարհ հարթելու համար՝ ֆեոդալիզմի դեմ մղվող պայքարի հիման վրա առաջացող իր սոցիալ-դասակարգային էությունը վաղ բուրժուական կուլտուրան Վ. Չալոյանը անտեսում է:

Բ. Ն. Առաքելյանը, Լ. Ս. Խաչիկյանը, Հ. Մ. Թումանյանը, Ինչպես և 1954 և 1958 թվականներին կազմակերպված դիսկուսիաներում իրենց ելույթներով մասնակցած մի շարք ընկերներ գտնում են, որ Չալոյանը խոշոր հարստությունների կուտակումը X—XIII դդ. մեծատունների ձեռքում անհիմն կերպով նույնացնում է կապիտալի նախասկզբնական կուտակման հետ, իսկ միջնա-

դարյան ամեն մի քաղաքի համար բնորոշ սևագործների լազմության (чорные) առկայությունը համարում է նախասկզբնական կուտակման ժամանակաշրջանի հիմնական արտադրողների ունեցրեցած (էքսպորտարիացիայի) հետևանք:

Խմբագրությունը գտնում է, որ որոշ սխալներ են թույլ տալիս նաև Վ. Ջալոյանի ընդդիմախոսները: Պրոֆ. Բ. Առաքելյանը կանգ չի առնում եվրոպական Վերածնության մեջ եղած հոսանքների հարցի վրա և չի քննարկում ժողովրդի դերը Վերածնության կուլտուրայի ստեղծման մեջ:

Պրոֆ. Հ. Գաբրիելյանը, հանդես գալով Վ. Ջալոյանի տեսակետների դեմ, կոնկրետ նյութի հիման վրա չի քննում Հայաստանի սոցիալ-տնտեսական դարգացման մակարդակը IX—XIII դարերում, ինչպես և Վերածնության վիճելի հարցը Հայաստանում: Այդ պատճառով Հ. Գաբրիելյանի հոդվածը կրում է ընդհանուր սոցիոլոգիական բնույթ, և այնտեղ պատմական շատ նրբություններ մնում են չնկատված: Օրինակ, նա գրում է, թե «Վերածնությունը հանգչում էր ֆեոդալիզմի ընդերքում առաջացող կապիտալիստական արտադրանքի վրա», փոխանակ ասելու արտադրական հարաբերությունների վրա, պնդում է թե ֆեոդալիզմի դեմ պայքարող առաջավոր խավերի թվում ֆեոդալներ չպետք է լինեին: Այս ընդհանուր դատողությունը չի արտահայտում պատմական ճշմարտություն: Ֆեոդալիզմի դեմ ֆեոդալ դասակարգը, իհարկե, չէր պայքարում, բայց ֆեոդալական աշխարհիկ և հոգևոր ծագում ունեցող առաջավոր գործիչներ գտնվեցին, որոնք հասկանալով, թե դեպի ուր է զարգանում պատմությունը, որդեգրվեցին Վերածնության շարժմանը: Նրբանկատությունը բացակայում է նաև վերակացուների ինստիտուտի վերաբերյալ պնդումների մեջ և այլն:

Վ. Ջալոյանի նամակի տպագրությամբ խմբագրությունը փակում է Հայկական Վերածնության հարցին նվիրված հոդվածաշարը: Արժարժեցին բազմաթիվ խնդիրներ, ինչպիսիք են՝ Վերածնության հասկացությունը որպես այդպիսին, կապիտալի նախասկզբնական կուտակումը Հայաստանում X—XIII դարերում, այդ ժամանակաշրջանի հայկական առաջավոր արվեստի, գրականության և փիլիսոփայության ըմբռնման հարցերը Վերածնության տեսանկյունով և այլն: Նդան տարբեր, իրարամերժ տեսակետներ և դա հասկանալի է, չէ որ առաջ են քաշվել լուրջ, բազմակողմանի ուսումնասիրության կարոտ պրոբլեմներ: Ինքնին հասկանալի է նաև այն, որ այդ հարցերի սպառիչ լուծումը մեր ամսագրի էջերում չէր կարող լինել խմբագրության նպատակը: Մեր խնդիրն էր քննության առնել Հայկական Վերածնության առեղծվածի լուծման զանազան ասպեկտներ, այդ ուղղությամբ առաջ բերել հետաքրքրություն մեր գիտական հասարակայնության մեջ, տրը կհանդիսանա առաջնիշ գործոն, կատարելու համար նոր պրպտումներ և նոր նյութերի հայթայթումներ որոնք հիմքեր կտան այդ բարդ հարցի լուծմանը նվիրված նոր հետազոտությունների համար: